

1866.

15. febrúar.

ályktun þeirri, er bæjarstjórnin hefir gjört um þetta, samkvæmt skilyrði því, er byggingarnefndin hafði sett, hefir Jónas Jónassen, verzlunarfulltrúi, farið þess á leit í bænarskrá, er hingað barst með bréfi yðar, að málefni þessu væri skotið til úrskurðar dómsmálastjórnarinnar.

Útaf þessu skal yður til vitundar gefið, yður til leiðbeiningar og til þess að þér kunngjörði það, að dómsmálastjórninni finnst ekki vera ástæða til að breyta úrskurði þeim, er þér, herra stiptamtmaður, hafið lagt á málið, en þér eruð beðnir um að stuðla til, að fyrirkomulag það, er bæjarstjórnin hefir vikið á, komist á sem fyrst.

16. febrúar. **13. Lög um, hvernig reikna skuli eptirlaun Helga G. Thordersens, biskups yfir Íslandi.**

Vér Kristján hinn Níundi o. s. frv., Gjörum kunnugt: Ríkisþingið hefir fallið á lög þessi, og Vér staðfest þau með samþykki Voru:

Launaviðbót sú, 800 rdl. að upphæð, sem Helga G. Thordersen, biskupi yfir Íslandi, riddara dannebrogssorðunnar og dannebrogsmanni, ber samkvæmt 1. grein staflíð B í lögnum frá 19. degi janúarmánaðar 1863 um launaviðbót handa ýmsum embættismönnum á Íslandi, skal tekin til greina sem launaviðbót, er veitt hafi verið honum sjálfum, þá er hann fer frá embættinu og reiknuð verða út eptirlaun þau, sem honum bera.

Eptir þessu eiga allir hlutaðeigendur sèr að hegða.

Gefið í Vorum konunglega aðsetursstað, Kaupmannahöfn

16. dag febrúarmánaður 1866.

16. febrúar. **14. Lög um, að endurskoðuninni á lögnum frá 19. degi janúarmánaðar 1863, um launaviðbót handa ýmsum embættismönnum á Íslandi, skuli skotið á frest.**

Vér Kristján hinn Níundi o. s. frv., Gjörum kunnugt:

Ríkisþingið hefir fallizt á lög þessi, og Vær staðfest þau með samþykki Voru:

1866.

16. febrúar.

Endurskoðuninni á lögum frá 19. degi janúarmánaðar 1863 um launaviðbót handa ýmsum embættismönnum á Íslandi, sem skipað er fyrir um í lögum þessum, skal skotið á frest þannig, að þau skulu endurskoðuð fyrir lok fjárhagsársins 1867—68.

Eptir þessu eiga allir hlutaðeigendur sèr að hegða.

Gefið í Vorum konunglega aðsetursstað, Kaupmannahöfn

16. dag febrúarmánaðar 1866.

Ástæður fyrir lögum þessum:

Í 5. grein í lögum frá 19. degi janúarmán. 1863, um launaviðbót handa ýmsum embættismönnum á Íslandi, er svo fyrir skipað, að endurskoða skuli lög þessi í síðasta lagi fyrir lok fjárhagsársins 1865—66. Samkvæmt ákvörðun þessari lagði dómsmálastjórnin svo fyrir, að konungsfulltrúi gæfi alþingi, er haldið var í sumar er leið, færi á að íhuga málefni þetta og segja álit sitt um það, ef þinginu litist svo. Eptir að alþingi samkvæmt þessu hafði tekið málið til meðferðar á lögskipaðan hátt, sendi það stjórninni þegulegt álitsskjal¹ sitt um það, og er aðalefni álitsskjalsins, að launabót sú og annað fè, sem embættismönnum á Íslandi var veitt með lögum 19. jan. 1863, haldist framvegis eptir grundvallarreglunum í frumvarpi því, sem lagt var fyrir ríkisþingið 1862, og sem lög þessi voru byggð á, og að launabót þessi veiti eptirleiðis sama rétt til biðlauna og eptirlauna, sem föst embættislaun.

En eins og stjórninni hefir þókt bezt hlýða að leita samþykkis ríkisþingsins til þess, að endurskoðun þeirri, sem skipað er fyrir um í lögum 31. marzmán. 1860 um laun embættismannanna í stjórnarráðum konungsríkisins, og í báðum launalögum frá 19. febrúarmán. 1861, verði skotið á frest, eins hefir stjórnin álitit réttast að stinga uppá, að sleppt sè nú sem stendur

¹) Smbr. Tíðindi frá alþingi 1865 II, 523.—526. bls.

1866.
16. febrúar.

að endurskoða lögin 19. jan. 1863. Eins og sjá má á álitsskjali nefndar þeirrar, er sett var í þjóðþinginu til að íhuga frumvarp stjórnarinnar til laga um laun handa ýmsum embættismönnum á Íslandi (sbr. Tíðindi frá 14. fundi ríkisþingsins, viðbæti B, 337. dalk), þókti ríkisþinginu ísjárvert, sökum óvissu þeirrar, er þá var um hvernig hagað yrði fjárhagssambandinu millum Íslands og Danmerkur, að fallast á frumvarpið í því formi, sem það kom frá stjórninni, heldur ræði það af að veita launabætur til bráðabirgða. En eptir því, hvernig alþingi tók í frumvarp það, er lagt var fyrir það á síðasta fundi þess, um breytingu á fjárhagssambandinu milli Íslands og hins hluta ríkisins, er óvissan um það enn hin sama, og það getur því ekki þókt tiltækilegt nú sem stendur að fara að endurskoða launaákvæðanir þær, er einmitt af þessari ástæðu voru settar til bráðabirgða. Þess vegna hefir þókt best við eiga að stinga uppá, að endurskoðuninni á launalögum þessum sé skotið á frest á sama hátt, og ákveðið hefir verið um hin launalögin, þannig, að hún fari fram fyrir lok fjárhagsársins 1867—68.

17. febrúar.

17. Bréf dómsmálastjórnarinnar til stiptamtannsins yfir Íslandi, um alþingistoll af eyðieyjunni Andriðsey og afgangi því, er þurrabúðarmenn í Brautarholti gjalda landsdrottni.

Í bréfi dagsettu 20. októbermán. f. á. hafið þér, herra stiptamtmaður, skýrt frá, að þegar stiptamtið hafi yfirskoðað alþingistollsreikninginn fyrir Gullbringu og Kjósar sýslu árið 1861, hafi það fundið að um Kjálarnes hrepp, að ekki hafi verið goldinn alþingistollur af arðinum af eyðieyjunni Andriðsey, sem liggur undir Brautarholt, og eigandinn sjálfur notar, en hefir byggt sjálfa jörðina, og að ekki hafi heldur verið goldinn alþingistollur af afgangi því, sem þurrabúðarmennirnir í Brautarholti gjalda landsdrottni; hafi tekjur þessar samtals verið virtar á 141 rd. 20 sk., og hefði átt að gjalda alþingistoll af þeim, 8 skildinga af hverjum ríkisdal, eða alls 11 rd. 74 sk.